

四庫全書

經部

# 欽定四庫全書

經部

御製律呂正義下編卷一

詳校官內閣學管理樂部臣鄒奕孝

洗馬臣王坦修覆勘

總校官編修臣王燕緒

校對官待詔臣胡士震

謄錄監生臣吳繼緒

繪圖監生臣牛炳文

欽定四庫全書

御製律呂正義下編卷一

八音樂器總說

排簫

簫

笛

笙

頭管

欽定四庫全書

御製律呂正義下編

麓

壩

# 八音樂器總說

八音之樂各從其類而制器尤宜探其體要書曰詩言志歌永言聲依永律和聲八音克諧無相奪倫蓋生於人聲成於樂器而宮調運於其中所以節人聲而裁樂器也古聖人初制律呂以和五聲然後被之八音金石有厚薄重輕之差匏竹有空竅短長之別絲音則徽柱散實以分聲調土樂則中空容積以較度分革木雖止一聲亦皆有所由起要之莫不以律呂五音之倍半準

其損益蓋絲與金石為一類假人力以生聲者也竹與匏土為一類假人氣以生聲者也革與木為一類所以為樂之節奏者也然八音之中備律呂陰陽之體叶宮調聲字之全惟絲竹為最要何也金石之器以律呂實積容受分量較其厚薄重輕古有特鍾特磬編鍾編磬又有鏞鍾鎛鍾金鐸金鐃金鐸後世變為方響雲鑑之類其為體也雖各不同而為用則一器獨限一聲而已匏之器曰笙曰簧大者為巢小者為和又曰芋蓋

古者皆以匏攢衆管而近世不用匏以木代之月令曰  
調竽笙篴簧則與竹音並列久矣土之器惟堦有頌堦  
雅堦之異樂記所謂德音之音也其聲生於空竅其分  
定於容積與竹音同革木之器雖不以律呂之法為準  
則而其度分亦皆依黃鍾而得數記曰鼓無當於五聲  
五聲弗得不和其大者為雷鼓靈鼓路鼓鼗鼓鼗鼓晉  
鼓小者為鼗鼓應鞀相鼓棟鼓又變為腰鼓杖鼓羯鼓  
銅鼓國語曰木以節之上古惟祝敔後世增為春牘又

變為拍板要之革與木皆所以應和樂之始終節奏耳  
夫六經所載八音備具然堂上之樂貴人聲而以絲音  
為主虞書戛擊鳴球搏拊琴瑟以詠樂記清廟之瑟朱  
絃而疏越一唱而三嘆是也堂下之樂貴人氣而以竹  
音為主商頌所謂嘒嘒管聲戴記所謂下管象舞夏箛  
序興是也凡升歌笙入間歌合樂未有不以絲竹為要  
領者竹之聲在虛虛之多者聲濁少者聲清而多少之  
數定於中空之圍徑短長絲之聲在實實之多者聲濁



少者聲清而多少之數定於絲綸之巨細分度所以然者竹音之樂十二律呂為之本相與比例推求而取其聲由於比例推求而得其數其圍徑長短加分減分總不越乎十二律呂之範圍大者用其大體本形之度分小者用其小體本形之度分而後竹音諸樂之聲字各歸於律呂之位而各應於律呂之宮調焉其器之最古者惟排簫具十二律呂之正加以二倍律二倍呂共為一十有六管各一聲備聲字清濁之二均合於鍾磬而

為諸樂之主宰其餘為簫為笛為篴為管之屬而匏之器同施於竹其制為笙要之其體皆自黃鍾之倍半而生其設孔也則又自律呂相和而成故備聲字清濁於一器而得適於用焉蓋竹音諸樂依人之氣而生聲故本之中空容積之多寡而無與乎形體厚薄之度分也絲音之樂五聲二變為之本相與比例折取而察其聲由於比例折取而得其分其絲綸巨細徽柱遠近總不越乎五聲二變之範圍大者用其大體本絃之度分小

者用其小體本絃之度分而後絲音諸樂之聲字各得五聲二變之位而各應於律呂之宮調焉其器之最古者惟琴與瑟後變而為箏為筑為琵琶為月琴之屬而琴瑟最正記有大琴大瑟中琴小瑟三禮圖又有雅琴雅瑟頌琴頌瑟之類所言體制雖殊而大絃則皆起於下徵之分取音必合於三分損益之法其聲位始正蓋絲音諸樂依人之力而生聲故本之絲綸之巨細長短而無與乎形質之大小也今列諸樂器所得之度分所

應之聲字而辨其體用必使絲竹之器一皆協於十二律呂五聲二變之正而衆音之器所應宮調聲字又皆協於絲竹之音然後諸樂之大本可得而論焉古之樂器不得其實即今之樂器而索之律呂宮調其聲字無不符合者正由三分損益之理為之體而隔八相生之義為之用故也至於諸樂之器數形體孔徑度分古今稍有更變者蓋緣古者一律一呂各為一聲而後世備衆聲於一器當其一律為一聲則合七律為一均而不

見有餘及乎備衆聲於一器則一器各為一均且或一均而該衆調而不見不足今古雖殊其器一也器即不同其理一也是以聲音之微妙全在虛實之分虛者氣之所發而實者體之所存氣與體鼓動之間而天地之和應焉在器數或閱因革而有變更聲氣之元則亘古今而無新故寓諸八音而氣以行焉體以成焉推之六合之內四海之外此音同此理同也推之百世之上百世之下此理同此音同也是故不知古樂而溺於今非

特不知古并不知今也必復古樂而不屑於今非特不知今終亦無從復古也爰考古今諸樂之異同詳其制於各篇之內因取八音之大綱約於一篇而總序之云

爾

# 排簫

古稱簫曰鳳簫風俗通曰舜作簫其形參差以象鳳翼然則古之所謂簫者實排簫也考排簫之制其來最古律呂十二管備具其中史稱伶倫截管以聽鳳凰之鳴雌雄各六金石八音由此而定所以簫韶九成而以簫為主也上古排簫之制寔失其傳者蓋因近代不用律呂損益倍半之法故排簫別為一器而與律呂不相交涉惟朝賀郊祀大樂中用之不過較工尺以備器數耳

其制則十六管為一具長者張兩旁參差漸短若羽翼然其用單吹無旁出孔其管之最長者得今尺九寸五六分上下其次八寸四五分上下遞至最短則四寸餘十六管之徑亦微不同樂工相傳謂最長第一管為合字依次漸高此時用排簫之大畧也

近代皆以琴之一絃定笛之合字得

微分者為黃鍾之宮按今尺七寸二分九釐之黃鍾為古尺九寸之黃鍾則今尺九寸之黃鍾實與今尺九寸一分之倍夷則相近而今尺九寸之黃鍾應笛之高凡字與合字相近或黃鍾為合字又為此乎然既不能定黃鍾之真度其又何以知黃鍾之正聲為合字耶

夫古人制禮作樂極其精微



斷制裁成咸有深意況排簫為諸管樂之首曩聲音清  
濁之大成豈可不以律呂定其準則耶論排簫之制大  
之亦可小之亦可大之則用黃鍾倍積或二倍或三倍  
或四倍各具本體所生之十二律呂小之則用黃鍾半  
積或幾分之幾亦各具本體所生之十二律呂但同其  
徑加二倍律二倍呂共成一十有六則皆可以取音而  
備用然推原古制必用十二律呂之正加以二倍律二  
倍呂始為適中也今以十二律呂正聲排簫之制言之

陽律陰呂平分二翼左則用黃鍾之律為濁均之宮以太簇姑洗蕤賓夷則無射為濁宮之商角變徵徵羽右則用大呂之呂為清均之宮以夾鍾仲呂林鍾南呂應鍾為清宮之商角變徵徵羽其變宮若用黃鍾大呂之半則音太高而諸樂難和故取二變宮於二正宮之前以倍無射為黃鍾宮之變宮以倍應鍾為大呂宮之變宮又取二下羽於二變宮之前以倍夷則為黃鍾宮之下羽以倍南呂為大呂宮之下羽此所以備旋宮

轉調之用而為諸樂之綱領也

按五聲二變旋宮之法以某律呂某聲字立宮

位則當二變者不用而立羽位者主調今用黃鍾大呂各立一宮故取倍夷則倍南呂為下羽以主調也夫

夷則南呂無射應鍾實本均徵羽之聲但倍之而用於宮聲之前則為變宮下羽此正古人宮逐羽音之義也以黃鍾宮之半應變宮之理推之正夷則乃倍夷則之半正夷則為黃鍾宮之徵而倍夷則為黃鍾宮之下羽則是下羽之半變而為正徵矣正無射乃倍無射之半正無射為黃鍾宮之羽而倍無射為黃鍾宮之變宮則

欽定四庫全書

御書刊印正義下編  
卷一

九

變宮之半亦變而為正羽矣此即正黃鍾宮之半變而

為變宮之理也

唐宋以來皆以四清聲為黃鍾大呂太簇夾鍾之半故陳賜以為靡靡之音謂

其過高也今於正律之外用四倍律則宮聲居中而無過高之譏矣

同徑之十六管分陰

陽二均徑各二分七釐四毫二絲

凡樂器皆以今尺言

其左以黃

鍾之律宮聲工字立低音均之主為第三管長七寸二

分九釐而以倍夷則之律下羽低上字為第一管長九

寸一分零二毫以倍無射之律變宮低尺字為第二管

長八寸零九釐其第三管則黃鍾之律宮聲工字次則

以太簇之律商聲低凡字為第四管長六寸四分八釐  
以姑洗之律角聲低六字為第五管長五寸七分六釐  
以蕤賓之律變徵低五字為第六管長五寸一分二釐  
以正夷則之律徵聲低乙字為第七管長四寸五分五  
釐一毫以正無射之律羽聲低上字為第八管長四寸  
零四釐五毫此排簫左翼之八管也  
按正無射之羽聲上字實當為清羽高上字但倍南呂較於倍夷則為清羽高上字故正無射轉而為濁均之羽聲高上字而正應鍾又為清均  
其右以大呂之呂清宮高工字立羽聲之最高上字也

高音均之主為第三管長六寸八分二釐六毫而以倍  
南呂之呂下羽高上字為第一管長八寸六分四釐以  
倍應鍾之呂變宮高尺字為第二管長七寸六分八釐  
其第三管則大呂之呂清宮高工字次則以夾鍾之呂  
清商高凡字為第四管長六寸零六釐八毫以仲呂之  
呂清角高六字為第五管長五寸三分九釐三毫以林  
鍾之呂清變徵高五字為第六管長四寸八分六釐以  
正南呂之呂清徵高乙字為第七管長四寸三分二釐


以正應鍾之呂清羽高上字為第八管長三寸八分四釐此排簫右翼之八管也觀此二均聲字俱備宮調遞遷正變互易旋轉用之無所不可然黃鍾大呂自統一均陽律陰呂各從其類所謂陰陽分用而不相紊者此也

欽定四庫全書

自漢書至五經丁亥  
卷一



繪圖用半度



簫

黃鍾簫 姑洗簫  
大呂簫 仲呂簫

律呂長短雖見於史志而簫笛尺寸未有定制簫即古  
之所謂長笛相傳始於漢丘仲唐人有謂之尺八者今  
之簫或其遺制耶晉書載荀勗所造長笛用角律長者  
八之短者四之空中實容長者十六然所作皆逾二尺  
五六寸或至三四尺若謂如今之簫笛則吹者手不及  
按其孔若謂如十二律呂管然則又止有長短而圍徑  
大小不載焉及觀今樂簫笛所生聲字未嘗不備旋宮

轉調之義其長短圍徑雖工人未按律度初未有長逾二尺者蓋必如是而後適於用也凡樂之大原出於律呂沉簫笛竹音尤當以律呂為本黃鍾元聲之積加分減分比例所生同形諸管既得聲應十二律呂之正矣其餘律呂之加分減分仍得應於本律本呂之聲者惟八倍與八分之一也八倍黃鍾之管三分損益所生同徑之十二管仍為各律各呂之八倍審其音亦與十二律呂相協即十二律呂之同形大體管也若以此八倍

黃鍾為全分之長從下至上按本管十二律呂之分各開一孔乃與律呂本音不甚相協按清濁二均開孔其聲亦不相應蓋八倍律呂之十二管各應其本律本呂之聲者其形同而生聲之理又同如以一管按十二律呂之分開孔氣自一孔傍出難同通管直出之音故取分雖同而生聲之理則異也古人之製簫笛也備七音於一管寓十二律呂於其間分清濁旋宮調非得其變通則不可用若取黃鍾元聲加分所生同形諸管以其

陽律陰呂各自所得度分相併折中而設諸孔始得協音韻之正而備聲字之用焉按時用簫通長一尺七寸有餘徑五分以上下通長之上設出音孔為低尺字出音孔上第一為工字孔第二為凡字孔第三為六字孔第四為五字孔第五為乙字孔第六後出為高尺字孔此分得第一工字孔之半獨上字無孔其取上字則以後出尺字孔並六字孔為低上字以乙字孔併工字孔凡字孔為高上字此時用簫立體取音之大槩也細推其

理其長一尺七寸有餘者得黃鍾元聲加分所生管體律呂相和之倍分也其徑五分上下者得黃鍾元聲加分所生管體之徑度也其宮調則第一孔立宮位而通長為下羽亦得宮逐羽音之義也其通長為下羽故出音孔得變宮之位其第一孔立宮位故第二孔得商位第三孔得角位第四孔得變徵位第五孔得徵位而第六後出孔仍得變宮之位也論其音則出音孔與後出孔相應論其分則後出孔得第一孔之半其本體正分

與半分之比即如律呂正分與半分之比也其設出音孔者因出音孔以上諸孔必得出音孔而音始協也其不設上字孔者因簫笛之乙字分上字分尺字分皆得全體所用律呂位分之半

乙字分得通長之半上字分得出音孔之半後出尺字分

得第一孔之半

如按此三孔本分取聲必將本孔獨開餘孔皆

閉音始不訛若本孔以下諸孔全開則音為以下諸孔所掣比本分之音俱少下故歷來簫笛設乙字孔比本分稍上而在乙字分上字分之間蓋為取音與以下諸

孔同例也乙字孔既開於本分之上故上字無孔以其  
與乙字尺字位分甚近生聲易淆且孔密而慮其難接  
也至於後出尺字仍於本分設孔者因其取音將以下  
諸孔皆閉而獨開此孔也其取低上字於高尺字併六  
字者簫之通長應上字乃本體羽聲律呂相和倍之之  
分今六字孔得本體角聲律呂相和之分後出高尺字  
孔得本體宮聲律呂之半相和之分以此二分相併適  
合本體羽聲陽律倍之之分也其取高上字於工字凡



字合以乙字者蓋借工字凡字以代高工高凡而合以乙字也簫之工字孔為本體宮聲律呂相和之分凡字孔為本體商聲律呂相和之分乙字孔為本體徵聲律呂相和之分今取高工字則用商聲律呂相和之半取高凡字則用角聲律呂相和之半以此二分相併折中復與徵聲律呂相和之分相併折中適合本體宮聲陽律之半在後出孔高尺字之下故為高上字也借工字凡字之正聲者所以代高工高凡之用欲窮其理必推

本於高工高凡而後明也夫簫笛之生聲原在中空容積之分故開孔取音必合本體律呂之度而音始和是知古人審音制器截其有餘以補不足務取聲調之協與備得以旋宮而變化無窮也今制簫以八倍黃鍾之積為準則以八倍黃鍾之徑為徑其本體黃鍾大呂相和之分立出音孔上第一孔之位聲應黃鍾之律宮聲工字其通長得夷則南呂相和倍之之分聲應倍夷則之律羽聲上字因其本體黃鍾大呂相和之分聲應黃

鍾之宮因名之曰黃鍾簫以四倍黃鍾之積為準則以四倍黃鍾之徑為徑其本體黃鍾大呂相和之分立出音孔上第三孔之位聲應姑洗之律角聲六字其通長得姑洗仲呂相和倍之之分亦應倍夷則之律羽聲上字因其本體黃鍾大呂相和之分聲應姑洗之角律而通長又為姑洗仲呂相和倍之之分因名之曰姑洗簫黃鍾簫與姑洗簫皆應黃鍾陽律一均之聲而姑洗簫音韻清和於新定排簫之黃鍾一均尤為相協蓋古長

笛皆用角律今用四倍黃鍾之體正所以用姑洗角律之音四倍黃鍾大呂相和之分立於角位而生簫徑實為一管之主其通長為四倍姑洗仲呂之倍即八倍角律角呂兩相和以成者故四倍宮積之音又成八倍角律之體也夫八倍四倍黃鍾之管所制簫體既應排簫之陽律一均矣然則排簫之陰呂一均其將何以和之蓋八倍黃鍾之管得聲應黃鍾之律四倍黃鍾之管得聲應姑洗之律其制為簫也用本體陽律之分和以陰

呂皆得應黃鍾一均之聲則七倍黃鍾之管得聲應大  
呂之呂三倍半黃鍾之管得聲應仲呂之呂者以之為  
簫而用其本體陽律之分和以陰呂其得聲應大呂之  
一均有必然已以七倍三倍半黃鍾之積立一簫之準  
其定分取音用正用倍一如八倍四倍之法則排簫之  
陰呂一均得相和而為用矣夫用七倍黃鍾之積即如  
用八倍大呂之積其本體黃鍾大呂相和之分得應大  
呂之宮故名之曰大呂簫用三倍半黃鍾之積即如用

四倍大呂之積其本體黃鍾大呂相和之分得應仲呂之呂而通長又為八倍角呂之體故名之曰仲呂簫以上諸簫之制實本於排簫排簫備二均一十四宮五十六調而為管者一十有六簫亦各具五聲二變合律呂陰陽之分而為管者一故排簫一律一呂各為一聲簫則一孔一聲而兼一律一呂之體其開孔取音皆有一定之位分而不得以意為增損於其間要之竹音之樂必以黃鍾元聲之實積為主大者八之小者四之而長

短周徑隨焉八之四之即四倍八倍之謂皆指其實積而言也若不知倍其實積而徒倍律呂之長則必至於過長而不可用矣明於此義然後以之制體而有其本以之取聲而得其全也

黃鍾簫用八倍黃鍾之體其徑五分四釐八毫其黃鍾之分一尺四寸五分八釐大呂之分一尺三寸六分五釐三毫太簇之分一尺二寸九分六釐夾鍾之分一尺二寸一分三釐六毫姑洗之分一尺一寸五分二釐仲

呂之分一尺零七分八釐七毫蕤賓之分一尺零二分  
四釐林鍾之分九寸七分二釐夷則之分九寸一分零  
二毫南呂之分八寸六分四釐無射之分八寸零九釐  
應鍾之分七寸六分八釐以黃鍾大呂之分相併折中  
得一尺四寸一分一釐六毫聲應黃鍾之律宮聲工字  
而為此簫之出音孔上第一孔焉此孔而上用本體律  
呂之正此孔而下用本體律呂之倍故無射應鍾之分  
相併折中倍之得一尺五寸七分七釐聲應倍無射之



律變宮尺字而為此簫之出音孔焉以夷則南呂之分  
相併折中倍之得一尺七寸七分四釐二毫聲應倍夷  
則之律下羽上字而為此簫之通長焉以太簇夾鍾之  
分相併折中得一尺二寸五分四釐八毫聲應太簇之  
律商聲凡字而為此簫之第二孔焉以姑洗仲呂之分  
相併折中得一尺一寸一分五釐三毫聲應姑洗之律  
角聲六字而為此簫之第三孔焉以蕤賓林鍾之分相  
併折中得九寸八分八釐聲應蕤賓之律變徵五字而

為此簫之第四孔焉此四孔以下皆得應本管律呂位  
分之正自此以上夷則南呂相和之分為簫體通長之  
半比通長宜下一音而應徵聲乙字無射應鍾相和之  
分為出音孔之半比出音孔宜下一音而應羽聲上字  
半黃鍾半大呂相和之分為第一孔宮聲工字之半比  
第一孔宜下一音而應變宮尺字但因簫笛皆不設上  
字孔而取乙字孔於乙字分上字分之間故夷則南呂  
相和之分與無射應鍾相和之分皆虛其位以為伏孔

而別取半黃鍾半大呂相和之分

此分爲第一孔工字之半乃後出高尺字

也孔

與蕤賓林鍾相和之分相併折中得八寸五分一釐

九毫聲應夷則之律徵聲乙字乃爲此簫之第五孔焉

此孔雖爲後出尺字孔與第四五字孔相併折中之分論其理即二伏孔相併折中之分也

其次則

半黃鍾半大呂相和之分七寸零五釐八毫爲第一工

字孔之半聲應半黃鍾之律變宮尺字比正黃鍾下一

音與出音孔相應同聲其孔居最上後出而爲此簫之

第六孔焉至此則簫之七孔已備

七孔者兼出音孔而言也

至於取

羽聲上字以後出尺字孔併第三六字孔而得聲應倍

夷則之律

與通長相應同聲

為低上字者蓋以六字孔為姑洗

仲呂相和之分一尺一寸一分五釐三毫後出尺字孔  
為半黃鍾半大呂相和之分七寸零五釐八毫二數相  
併得一尺八寸二分一釐一毫適合本管倍夷則低上  
字之分也以第一工字孔第二凡字孔代高工高凡而  
合以第五乙字孔得聲應無射之律為高上字者蓋以  
工字孔為黃鍾大呂相和之分凡字孔為太簇夾鍾相

和之分今取高工字則應於半太簇半夾鍾相和之分  
得六寸二分七釐四毫取高凡字則應於半姑洗半仲  
呂相和之分得五寸五分七釐六毫以此二數相併折  
中得五寸九分二釐五毫復與乙字分八寸五分一釐  
九毫相併折中得七寸二分二釐二毫適合本管半黃  
鍾之度在後出孔高尺字之下而為高上字之分也此  
簫用八倍黃鍾之體按分開孔聲應陽律一均其理最  
為顯著故特備其制以見凡簫之體必推本於此而後

明焉

姑洗簫用四倍黃鍾之體其徑四分三釐五毫其黃鍾  
之分一尺一寸五分七釐二毫大呂之分一尺零八分  
三釐六毫太簇之分一尺零二分八釐六毫夾鍾之分  
九寸六分三釐二毫姑洗之分九寸一分四釐三毫仲  
呂之分八寸五分六釐二毫蕤賓之分八寸一分二釐  
七毫林鍾之分七寸七分一釐四毫夷則之分七寸二  
分二釐四毫南呂之分六寸八分五釐七毫無射之分

六寸四分二釐一毫應鍾之分六寸零九釐五毫以黃  
鍾大呂之分相併折中得一尺一寸二分零四毫聲應  
姑洗之律角聲六字而為此簫之出音孔上第三孔焉  
此孔雖非宮聲之位然為四倍黃鍾所生是故其餘諸  
孔皆以此度為準自此孔而上皆四倍律呂之正分自  
此孔而下乃四倍律呂之倍分故自倍分計之則以姑  
洗仲呂之分相併折中倍之得一尺七寸七分零五毫  
聲應倍夷則之律下羽上字而為此簫之通長焉以蕤

賓林鍾之分相併折中倍之得一尺五寸八分四釐二毫聲應倍無射之律變宮尺字而為此簫之出音孔焉以夷則南呂之分相併折中倍之得一尺四寸零八釐一毫聲應黃鍾之律宮聲工字而為此簫之出音孔上第一孔焉以無射應鍾之分相併折中倍之得一尺二寸五分一釐七毫聲應太簇之律商聲凡字而為此簫之第二孔焉其第三孔即黃鍾大呂相和之分也其太簇夾鍾之分相併折中得九寸九分五釐九毫聲應蕤



賓之律變徵五字而為此簫之第四孔焉其第五孔乙字之分亦應取於乙字分上字分之間故此管之姑洗仲呂相和之分難賓林鍾相和之分皆虛其位以為伏孔乃取夷則南呂相和之分

此分乃後出高尺字孔也

與太簇夾鍾

相和之分

此分乃第四五字孔也

相併折中得八寸五分正應夷

則之律徵聲乙字而為此簫之第五孔焉

此孔雖為後出尺字孔與

第四五字孔相併折中之分即二伏孔相併折中之分也

其次則夷則南呂相和之

分七寸零四釐為第一孔宮聲工字之半聲應半黃鐘

之律變宮尺字與出音孔相應同聲居最上後出而為此簫之第六孔焉其取下羽低上字以後出尺字孔併第三六字孔者蓋以黃鍾大吕相和之六字孔分併以夷則南吕相和之高尺字孔分為一尺八寸二分四釐五毫適合本管倍姑洗低上字之分也其取羽聲高上字借工字凡字以代高工高凡而合以乙字者蓋以高工字應無射應鍾相和之分高凡字應半黃鍾半大吕相和之分二數相併折中為五寸九分三釐復與乙字

分八寸五分相併折中得七寸二分一釐五毫適合本  
管夷則之分在後出尺字孔之下是為高上字也此簫  
用四倍黃鍾之積其長與徑適符時用簫制而音亦得  
中配之排簫陽律一均極為協和故隸在樂官而郊廟  
朝廷雅部俗部咸用之也

大呂簫用七倍黃鍾之體其徑五分二釐四毫其黃鍾  
之分一尺三寸九分四釐五毫大呂之分一尺三寸零  
五釐八毫太簇之分一尺二寸三分九釐五毫夾鍾之

分一尺一寸六分零七毫姑洗之分一尺一寸零一釐  
八毫仲呂之分一尺零三分一釐八毫蕤賓之分九寸  
七分九釐四毫林鍾之分九寸二分九釐六毫夷則之  
分八寸七分零五毫南呂之分八寸二分六釐三毫無  
射之分七寸七分三釐八毫應鍾之分七寸三分四釐  
五毫以黃鍾大呂之分相併折中得一尺三寸五分零  
二毫聲應大呂之呂清宮高工字而為此簫之出音孔  
上第一孔焉以無射應鍾之分相併折中倍之得一尺

五寸零八釐四毫聲應倍應鍾之呂清變宮高尺字而  
為此簫之出音孔焉以夷則南呂之分相併折中倍之  
得一尺六寸九分六釐九毫聲應倍南呂之呂清下羽  
高上字而為此簫之通長焉以太鍾夾鍾之分相併折  
中得一尺二寸零一毫聲應夾鍾之呂清商高凡字而  
為此簫之第二孔焉以姑洗仲呂之分相併折中得一  
尺零六分六釐八毫聲應仲呂之呂清角高六字而為  
此簫之第三孔焉以蕤賓林鍾之分相併折中得九寸

五分四釐五毫聲應林鍾之呂清變徵高五字而為此

簫之第四孔焉其乙字孔亦取於乙字分上字分之間

故此管之夷則南呂相和之分即乙字分無射應鍾相和之

分即上字分皆虛其位以為伏孔而別取半黃鍾半大呂相

和之分即尺字分與蕤賓林鍾相和之分即五字分相併折中得

八寸一分四釐八毫聲應南呂之呂清徵高乙字乃為

此簫之第五孔焉此孔為後出尺字孔與第四五字孔相併折中之分亦即二伏孔相併折

中之分也其次則半黃鍾半大呂相和之分六寸七分五釐

一毫為第一工字孔之半聲應半大呂之呂清變宮高  
尺字比正大呂下一音與出音孔相應同聲其孔居最  
上後出而為此簫之第六孔焉其取羽聲上字

上字之分高低

皆指本簫而言

以後出尺字孔併第三六字孔而得聲應倍南

呂之呂為低上字者蓋以六字孔為姑洗仲呂相和之  
分一尺零六分六釐八毫後出尺字孔為半黃鍾半大  
呂相和之分六寸七分五釐一毫二數相併得一尺七  
寸四分一釐九毫適合本管倍夷則之分故為低上字

也以第五乙字孔併第一工字孔第二凡字孔而得聲  
應應鍾之律為高上字者亦借工字凡字代高工高凡  
而合以乙字也其高工字則應半太簇半夾鍾相和之  
分為六寸高凡字則應半姑洗半仲呂相和之分為五  
寸三分三釐四毫以此二數相併折中得五寸六分六  
釐七毫復與乙字分八寸一分四釐八毫相併折中得  
六寸九分零七毫適合本管半黃鍾之分在後出孔高  
尺字之下故為高上字也此簫用七倍黃鍾之體即八



倍大呂之音按分開孔聲應陰呂一均而與黃鍾簫之理可以互相發明者也

仲呂簫用三倍半黃鍾之體其徑四分一釐六毫其黃鍾之分一尺一寸零六釐八毫大呂之分一尺零三分六釐四毫太簇之分九寸八分三釐八毫夾鍾之分九寸二分一釐三毫姑洗之分八寸七分四釐五毫仲呂之分八寸一分八釐九毫蕤賓之分七寸七分七釐三毫林鍾之分七寸三分七釐八毫夷則之分六寸九分

零九毫南呂之分六寸五分五釐九毫無射之分六寸一分四釐二毫應鍾之分五寸八分三釐以黃鍾大呂之分相併折中得一尺零七分一釐六毫聲應仲呂之呂清角高六字而為此簫之出音孔上第三孔焉以姑洗仲呂之分相併折中倍之得一尺六寸九分三釐四毫聲應倍南呂之呂清下羽高上字而為此簫之通長焉以蕤賓林鍾之分相併折中倍之得一尺五寸一分五釐二毫聲應倍應鍾之呂清變宮高尺字而為此簫

之出音孔焉以夷則南呂之分相併折中倍之得一尺  
三寸四分六釐八毫聲應大呂之呂清宮高工字而為  
此簫之出音孔上第一孔焉以無射應鍾之分相併折  
中倍之得一尺一寸九分七釐二毫聲應夾鍾之呂清  
商高凡字而為此簫之第二孔焉其第三孔即黃鍾大  
呂相和之分也其太簇夾鍾之分相併折中得九寸五  
分二釐五毫聲應林鍾之呂清變徵高五字而為此簫  
之第四孔焉其第五孔乙字之分亦取於乙字分上字

分之間故此管之姑洗仲呂相和之分蕤賓林鍾相和  
之分皆虛其位以為伏孔乃取夷則南呂相和之分

後出

高尺字孔

與太鍾夾鍾相和之分

第四五字孔

相併折中得八寸

一分二釐九毫正應南呂之呂清徵高乙字而為此簫

之第五孔焉

此孔為後出尺字孔與第四五字孔相併折中之分亦即二伏孔相併折中之分也

其次則夷則南呂相和之分六寸七分三釐四毫為第

一孔宮聲工字之半聲應半大呂之呂清變宮高尺字

與出音孔相應同聲居最上後出而為此簫之第六孔

焉其取下羽低上字以後出尺字孔併第三六字孔者  
蓋以黃鍾大吕相和之六字孔分併以夷則南吕相和  
之高尺字孔分為一尺七寸四分五釐適合本管倍姑  
洗之分為低上字也其取羽聲高上字借工字凡字以  
代高工高凡而合以乙字者蓋以高工字應無射應鍾  
相和之分高凡字應半黃鍾半大吕相和之分二數相  
併折中為五寸六分七釐二毫復與乙字分八寸一分  
二釐九毫相併折中得六寸九分適合本管夷則之分

在後出尺字孔之下是為高上字也此簫用三倍半黃  
鍾之體即用四倍大呂之音按分開孔聲應排簫之陰  
呂諸管最為協和故與姑洗簫各備一均之用焉



# 繪圖用半度

律黃鍾管

黃鍾簡

半太呂之分

六分一分律素

中呂鍾之分

七分二分九釐

應鍾之分

七寸六分釐

林鍾之分

八寸六分釐

南呂之分

九寸六分釐

夷則之分

九寸六分釐

林鍾之分

九寸六分釐

仲呂之分

一尺六分釐

姑洗之分

一尺五寸五分釐

夾鍾之分

一尺五寸一分釐

太簇之分

一尺五寸六分釐

大呂之分

一尺二寸六分釐

黃鍾之分

一尺二寸六分釐

應鍾之分

一尺二寸六分釐

林鍾之分

一尺二寸六分釐

南呂之分

一尺二寸六分釐

夷則之分

一尺二寸六分釐

林鍾之分

一尺二寸六分釐

律

中呂鍾素

乙

六分一分律素

五

九分九釐

六

一尺五寸五分釐

凡

一尺五寸五分釐

工

一尺五寸一分釐

黃

一尺五寸七分釐

律

一尺七寸四分釐

律素



# 繪圖用半度

四倍南緯帶

特洗廟

南呂之分

夷則之分

林鍾之分

蕤賓之分

仲呂之分

姑洗之分

夾鍾之分

太簇之分

大呂之分

黃鍾之分

倍蕤賓之分

倍無射之分

倍陽呂之分

倍夷則之分

倍林鍾之分

倍蕤賓之分

倍仲呂之分

倍姑洗之分

六寸五分釐三毫

七寸五分釐二毫

八寸五分釐一毫

九寸五分釐

一尺五分釐

一尺六分釐

一尺七分釐

一尺八分釐

一尺九分釐

二尺

二尺一寸

二尺二寸

二尺三寸

二尺四寸

二尺五寸

二尺六寸

一尺七分釐

一尺八分釐

一尺九分釐

二尺

二尺一寸

二尺二寸

二尺三寸

二尺四寸

二尺五寸

二尺六寸

二尺七寸

二尺八寸





笛

姑洗笛  
仲呂笛

今之橫笛古稱橫吹樂府有鼓角橫吹曲亦名短簫鏡  
歌蓋軍中馬上之樂故笛與管皆云起自北方夫曰橫  
吹又曰短簫則非丘仲之長笛可知矣宋李宗諤樂纂  
云橫笛小篪也有觜者謂之義觜笛今之笛皆橫吹而  
無義觜是或篪之變制乎其音每高於簫由於本體之  
分短於簫也夫欲考笛制必推本於黃鍾方為有據然  
而舍今時用笛則亦無所取証焉今笛空徑四分上下

自吹口至出音孔得一尺少歟自吹口右盡通長則一尺二寸有餘出音孔與通長之間復有兩孔其出音孔之上第一為工字孔第二為凡字孔第三為六字孔第四為五字孔第五為乙字孔第六為高尺字孔其取上字亦以第三六字孔併第六高尺字孔為低上字以第一工字孔第二凡字孔併第五乙字孔為高上字此今笛立體取音之大槩也即其本體而論出音孔上第一孔為工字故出音孔為尺字出音孔外兩孔一應高上

字一應低上字而通長為乙字以其應律呂而言出音  
孔上第一孔應夷則之律徵聲乙字第二孔應無射之  
律羽聲上字第三孔應半黃鍾之律變宮尺字第四孔  
應黃鍾之律宮聲工字第五孔應太簇之律商聲凡字  
第六孔應蕤賓之律變徵五字出音孔亦應蕤賓之律  
變徵五字出音孔外兩孔其分長者應姑洗之律角聲  
六字其分短者應仲呂之呂清角高六字而通長應太  
簇之律商聲凡字論其相應則通長與第五孔同聲出

音孔與最上第六孔同聲論其取分則第四孔得通長之半最上第六孔得第一孔之半其乙字孔亦取於乙字分上字分之間考其體正與四倍黃鍾之管相侔簫之用四倍黃鍾者實用八倍姑洗仲呂角音之義古人所謂長者八之也今橫笛為短簫則所謂短者四之非用四倍姑洗仲呂之角音乎以四倍黃鍾之積為準故以四倍黃鍾之徑為徑其諸孔皆以四倍黃鍾所生律呂之分為本其本體黃鍾大呂之分則為此笛之出音

孔外二孔之度得黃鍾之分者聲應姑洗之律得大呂之分者聲應仲呂之呂然此二分雖各設一孔實皆應於角音之分亦即一律一呂相和之理也此笛之體與姑洗簫同得四倍黃鍾之徑故生聲取分得以互相應和為用如簫之工字孔應黃鍾之律為四倍黃鍾管夷則南呂相和倍之分其聲即與本體無射應鍾相和之分相應而此笛之五字孔即四倍黃鍾管無射應鍾相和之分亦應黃鍾之律故簫之工字孔與笛之五字孔相



應也簫之凡字孔為四倍黃鍾管無射應鍾相和倍之  
之分笛之通長乙字亦四倍黃鍾管無射應鍾相和倍  
之之分故簫之凡字孔與笛之乙字孔相應也簫之六  
字孔為四倍黃鍾管黃鍾大呂相和之分而笛之出音  
孔外兩孔為上字者正四倍黃鍾管之黃鍾大呂分也  
簫之五字孔笛之出音尺字孔皆四倍黃鍾管太簇夾  
鍾相和之分故此二聲相應也至於簫之乙字分應於  
笛之工字孔

此乙字不言孔而言分者簫本體取乙字孔於乙字分上字分之間而乙字分上字

分皆為伏孔今合於笛而言  
必詳明其分而理始著也

皆為四倍黃鍾管姑洗仲

呂相和之分故簫之乙字與笛之工字相應簫之上字  
分應於笛之凡字孔皆為四倍黃鍾管蕤賓林鍾相和  
之分故簫之上字與笛之凡字相應簫之後出尺字孔  
應笛之六字孔皆為四倍黃鍾管夷則南呂相和之分  
故簫之尺字與笛之六字相應至此則簫之孔已盡而  
笛之五字孔為四倍黃鍾管之無射應鍾相和之分者  
實又為簫之高工字分焉蓋笛之與簫取音之理本一

但設孔而命名者不同初不可以名之不同而遂以為音之異也此笛與姑洗簫同為四倍黃鍾所生故名之曰姑洗笛其為用也亦與姑洗簫同協排簫陽律一均之聲字焉若夫協排簫陰呂一均之聲字者亦用三倍半黃鍾之管立體按法取音名之曰仲呂笛與仲呂簫相協為用要之黃鍾加分之同形管簫體得其本管律呂之倍與正而笛得其本管律呂之正與半其倍半正聲相應一如律呂之倍半正聲相應蓋緣其徑之同故

得其聲之相應為準也

姑洗笛用四倍黃鍾之積為體其徑即四倍黃鍾之徑  
為四分三釐五毫其所用十二律呂之分亦自本體黃  
鍾之長損益以生其黃鍾之分一尺一寸五分七釐二  
毫為出音孔與通長之間下一孔其大呂之分一尺零  
八分三釐六毫為出音孔與通長之間上一孔此二孔  
皆為笛之上字而應姑洗仲呂角聲律呂之音與簫之  
六字同聲此二孔者實一笛之主宰也其通長為無射

應鍾相和倍之之分一尺二寸五分一釐七毫聲應太簇之律商聲凡字以笛而言乃乙字分實與簫之凡字孔同聲也其出音孔則太簇夾鍾相和之分九寸九分五釐九毫聲應蕤賓之律變徵五字於笛為尺字而與簫之五字孔同聲焉其出音孔上第一孔則姑洗仲呂相和之分八寸八分五釐二毫聲應夷則之律徵聲乙字於笛為工字而與簫之乙字孔同聲焉其第二孔則蕤賓林鐘相和之分七寸九分二釐一毫聲應無射之

律羽聲上字於笛為凡字而與簫之上字同聲焉其第三孔則夷則南呂相和之分七寸零四釐聲應半黃鍾之律變宮尺字於笛為六字而與簫之後出尺字孔同聲焉其第四孔則無射應鍾相和之分六寸二分五釐八毫為通長之半聲應黃鍾之律宮聲工字於笛為五字而與簫之工字孔同聲焉其第五孔則取乙字於乙字分上字分之間亦如簫取乙字之法故乙字分之黃鍾大呂相和之半上字分之太簇夾鍾相和之半俱虛

其位以為伏孔乃取無射應鍾相和之分

此分乃五字孔

與姑

洗仲呂相和之半

此分乃高尺字孔

相併折中得五寸三分四

釐二毫聲應太簇之律商聲凡字與通長同為乙字而

與簫之凡字孔同聲焉其最上第六孔則姑洗仲呂相

和之半四寸四分二釐六毫為第一孔之半聲應蕤賓

之律變徵五字與出音孔同為尺字而與簫之五字孔

同聲焉其取低上字以最上尺字孔併第三六字孔者

亦以夷則南呂相和之六字孔分併以姑洗仲呂相和

之半高尺字孔分為一尺一寸四分六釐六毫適合本  
管黃鍾之分乃出音孔與通長之間下一孔故為低上  
字也其取高上字以工字凡字代高工高凡而合以乙  
字者亦以高工字應蕤賓林鍾相和之半高凡字應夷  
則南吕相和之半二數相併折中為三寸七分四釐復  
與乙字分五寸三分四釐二毫相併折中得四寸五分  
四釐一毫適合本管半姑洗之分在最上尺字孔之下  
故為高上字也夫笛之與簫橫吹直吹雖各不同而聲



之高低自有律呂以界其倍半之分故與姑洗簫同協排簫陽律之一均焉

仲呂笛用三倍半黃鍾之積為體其徑即三倍半黃鍾之徑為四分一釐六毫其所用十二律呂之分亦自本體黃鍾之長損益以生其黃鍾之分一尺一寸零六釐八毫為出音孔與通長之間下一孔其大呂之分一尺零三分六釐四毫為出音孔與通長之間上一孔此兩孔皆為本笛之上字一應仲呂之呂一應蕤賓之律二

孔合之與仲呂簫之六字同聲實此一笛之主宰也其通長為無射應鍾相和倍之之分一尺一寸九分七釐二毫聲應夾鍾之呂清商高凡字以笛而言乃乙字分實與仲呂簫之凡字孔同聲也其出音孔則太簇夾鍾相和之分九寸五分二釐五毫聲應林鍾之呂清徽徵高五字於笛為尺字而與仲呂簫之五字孔同聲焉其出音孔上第一孔則姑洗仲呂相和之分八寸四分六釐七毫聲應南呂之呂清徵高乙字於笛為工字而與

仲呂簫之乙字孔同聲焉其第二孔則蕤賓林鍾相和之分七寸五分七釐六毫聲應應鍾之呂清羽高上字於笛為凡字而與仲呂簫之上字同聲焉其第三孔則夷則南呂相和之分六寸七分三釐四毫聲應半大呂之呂清變宮高尺字於笛為六字而與仲呂簫之後出尺字孔同聲焉其第四孔則無射應鍾相和之分五寸九分八釐六毫為通長之半聲應大呂之呂清宮高工字於笛為五字而與仲呂簫之工字孔同聲焉其第五

孔取乙字於乙字分上字分之間者亦以乙字分之黃

鍾大呂相和之半上字分之太鍾夾鍾相和之半俱虛

其位以為伏孔而取無射應鍾相和之分

此分乃五字孔

與姑

洗仲呂相和之半

此分乃高尺字孔

相併折中得五寸一分零

九毫聲應夾鍾之呂清商高凡字與通長同為乙字而

與仲呂簫之凡字孔同聲焉其最上第六孔則姑洗仲

呂相和之半四寸二分三釐三毫為第一孔之半聲應

林鍾之呂清變徵高五字與出音孔同為尺字而與仲

呂簫之五字孔同聲焉其取低上字以最上尺字孔併第三六字孔者亦以夷則南呂相和之六字孔分併以姑洗仲呂相和之半高尺字孔分為一尺零九分六釐八毫適合本管黃鍾之分乃出音孔與通長之間下一孔故為低上字也其取高上字以工字凡字代高工高凡而合以乙字者亦以高工字應蕤賓林鍾相和之半高凡字應夷則南呂相和之半二數相併折中為三寸五分七釐七毫復與乙字分五寸一分零九毫相併折

中得四寸三分四釐三毫適合本管半姑洗之分在最上尺字孔之下故為高上字也此笛之生聲取分皆本於三倍半黃鍾之體故與三倍半黃鍾簫皆以仲呂名而同應排簫陰呂之一均焉







繪圖用半度

三信堂商鍾管

半仲呂之分  
半夾鍾之分  
半太簇之分  
半大呂之分  
半黃鍾之分  
半應鍾之分  
無射之分  
南呂之分  
夷則之分  
林鍾之分  
蕤賓之分  
仲呂之分  
姑洗之分  
夾鍾之分  
太簇之分  
大呂之分  
黃鍾之分  
應鍾之分  
倍應鍾之分  
倍蕤賓之分

徑四分徑集家

[illegible]

吹口

尺	五寸一分九釐	乙	五寸一分九釐	五	五寸一分九釐	六	六寸七分三釐	凡	七寸五分三釐	工	八寸四分三釐	上	九寸一分三釐	總	一尺一分七釐
---	--------	---	--------	---	--------	---	--------	---	--------	---	--------	---	--------	---	--------

笙

爾雅大笙謂之巢小者謂之和註曰列管匏中施簧管  
端風俗通云垂作笙以象鳳古稱簫為鳳簫而笙亦為  
鳳笙蓋以笙之長短參差亦如排簫然故並稱耳笙與  
排簫管數之多寡管體之巨細雖不同而倍半相資以  
為用者其理則一也笙於古為匏器其制攢衆管於一  
匏而共一吹口每管設簧以取音

簧者於管側貼以薄銅葉氣至則戰動成

音開出音孔以別長短之度而音之高下以生復設孔

於匏外按某孔則某簧應故詩曰吹笙鼓簧近世易匏以木各管但以竹徑相倣者通其節約略其長短而無一定之制至於簧數之多寡則傳註所紀其說不一鄭氏詩註曰笙十三簧或十九簧而竽三十六簧周禮註鄭衆曰竽三十六簧笙十三簧又通考載宋李照作巢笙合二十四聲以理揆之其三十六簧二十四簧者乃兼陽律陰呂之聲如排簫之備清濁二均也其十九簧十三簧者乃分陽律陰呂之聲如簫笛之各具一均也

今禮部太常所用俱十七管有全用者有空二管或三  
管不設簧而用十五管或十四管者俗部所用亦十七  
管或十五管而止用十三管其餘皆不設簧蓋去其重  
複但取一均之聲以備用也又禮部太常所用笙體大  
而空徑亦大其出音孔至簧度分反短俗部所用笙體  
小而空徑亦小其出音孔至簧度分反長蓋因取聲於  
容積之分故徑與長相為贏縮焉按十七簧大笙徑約  
二分上下每一笙之內各管空徑不一其自簧口至出

音孔分最長第一管七寸五分餘二管七寸餘三管亦  
七寸餘視二管微歟四管六寸五分餘五管六寸餘六  
管五寸二分餘七管四寸五分餘八管四寸二分餘九  
管十管十一管皆四寸上下十二管三寸八分餘十三  
管三寸六分餘十四管三寸三分微歟十五管三寸二  
分餘此兩管亦相同十六管三寸餘十七管二寸六分  
餘此皆工人約略為之初未有一定之真度也審其音  
最長一管應笛之尺字

近世皆以笛孔合笙而言故  
笙之諸音皆取笛聲字名之二

管應最低工字三管應低工字四管應低凡字五管應  
低六字六管應低五字七管應最低乙字八管應低乙  
字九管應低上字十管應高上字十一管應上字尺字  
之間為勾字十二管應高尺字十三管應高工字十四  
管應高凡字十五管亦應高凡字十六管應高六字十  
七管應高五字

此高低字音皆以體之倍  
半而言非清濁二均之分其取聲之法

一管合六管或一管合十二管為低尺字二管合七管

為最低工字

禮部太常樂工省此二  
管不用故止十五簧

三管合八管為低

工字四管合九管為低凡字五管合十二管為低六字  
六管合十三管為低五字七管合十四管為最低乙字  
禮部太常樂  
工亦多不用八管合十五管為低乙字九管合十六管

為低上字十管獨用為高上字十一管獨用為勾字十  
二管合十七管為高尺字十三管獨用為高工字十四  
管獨用為高凡字十六管獨用為高六字十七管獨用  
為高五字此十七簧大笙立體取音之大槩也十三簧  
小笙徑約一分有餘每一笙之內各管徑亦不一其自

簧口至出音孔分最長第一管八寸餘二管七寸餘三  
管六寸五分餘四管六寸餘五管五寸五分餘六管五  
寸餘七管四寸五分餘八管四寸五分不足九管四寸  
餘十管三寸五分餘十一管三寸三分餘十二管三寸  
餘十三管三寸不足審其音一管低尺字二管低工字  
三管低凡字四管低六字五管低五字六管低乙字七  
管低上字八管高上字九管高尺字十管高工字十一  
管高凡字十二管高六字十三管高五字其取聲之法



一管合五管或合九管為低凡字二管合六管為低工  
字三管合七管為低凡字四管合九管為低六字五管  
合十管為低五字六管合十一管為低乙字七管合十  
二管為低上字八管合十二管為高上字九管合十三  
管為高凡字十管獨用為高工字十一管獨用為高凡  
字十二管獨用為高六字十三管獨用為高五字此十  
三簧小笙立體取音之大槩也大笙之十五簧於十七  
簧已為減二而小笙又少勾字凡字二簧蓋勾為低凡

可以相代而凡字重出嫌其易淆故復減耳其一笙之內管體長者設簧亦大管體短者設簧亦小易其簧而更施之則或咽或揭皆不成聲蓋笙之施簧必隨管體之長短而為大小即如絲樂之體大者用絃巨體小者用絃細之理也至於簧之硬者應聲微高點以蠟珠則可少下簧之軟者應聲微低不施蠟珠或易以硬簧則可以高然所差不過半音未若管體長短之分音晰也今欲明製笙之法辨笙之體詳笙之用必一其徑數其

積考其度正其音一一本之於律呂而後笙之理數可明焉一其徑者使一笙各管之空徑皆同如十二律呂之同徑也覈其積者定衆管之積或用律呂之全或用律呂之半或用律呂幾分之一也考其度者察某管得某律呂相和之分或得某律呂相和之倍某律呂相和之半也正其音者詳某管之應某律呂某聲字與某管設簧則應某律呂某聲字也蓋笙之大小雖殊而為用則一大笙之空徑二分上下者乃黃鍾八分之一又加

此一分之四分之三之管徑也

此管積以通分約之乃黃鍾三十二分之七

小笙之空徑一分有餘者乃黃鍾八分之一之管徑也  
其管之長者用本體律呂之倍管之短者用本體律呂  
之正或本體律呂之半其半管比正管每下一音亦如  
律呂之正與倍半之理也其相和取聲無論體之大小  
管之多寡要皆以本聲立宮而徵聲和之或以正聲為  
主而少聲和之取二聲相濟抑揚中聽也其兩管同一  
聲字而相和者乃宮與少宮商與少商工與高工凡與

高凡為兩聲子母相應者也其兩管不同聲字而相和者乃宮與徵商與羽工與乙凡與上之類是兩聲得其相生之序而相和者也若夫兩管之斷不可和者如宮與商商與角工與凡凡與六之類是兩聲相比必甚乖謬而不可和者也是故笙之低尺字以低五字和之者乃濁變徵立宮而宮聲為徵以和之也低尺字以高尺字和之者即倍變徵以正變徵和之也低工字以低乙字和之者乃下徵立宮而商聲為徵以和之也低凡字

以低上字和之者乃下羽立宮而角聲為徵以和之也  
低六字以高尺字和之者乃倍變宮立宮而正變徵為  
徵以和之也低五字以高工字和之者乃宮聲立宮正  
用徵聲以和之者也低乙字以高凡字和之者乃商聲  
立宮而羽聲為徵以和之也低上字以高六字和之者  
乃角聲立宮而少變宮為徵以和之也高上字仍以高  
六字和之者亦角聲立宮而少變宮為徵以和之也高  
尺字以高五字和之者乃少變徵立宮而少宮為徵以

和之也高聲與低聲相和者乃首音與第八音相和所謂隔八相生也徵之可以和宮者所謂宮生徵也羽之可以和商者所謂商生羽也若夫商之可以和徵者又為徵之生少商皆為首音與第五音相和者也蓋各管之徑既同則聲字之度分可定聲字之度分既定則各管之相旋為用自有協和之妙焉夫簫笛之體起於黃鍾之加倍而笙之體則起於黃鍾之減分加倍者或加八倍或加四倍其所制之管皆與黃鍾一均之聲相應

減分者或用黃鍾四分之一或用黃鍾八分之一所制之管亦皆與黃鍾一均之聲相應若應大呂一均者大笙則取黃鍾八分之一又加此一分之四分之二之管為本

即三十二分之六也

小笙則取黃鍾六十四分之七之管為

本或不易其體但用點簧之法以高其音亦可備陰呂一均之用然其聲雖協於大呂而其數並起於黃鍾此黃鍾所以尤為竹音之本也

十七簧大笙以黃鍾八分之一又加此一分之四分之



三之管為本其十七管之徑皆一分六釐五毫其黃鍾  
之分四寸三分九釐二毫大呂之分四寸一分一釐三  
毫太簇之分三寸九分零四毫夾鍾之分三寸六分五  
釐六毫姑洗之分三寸四分七釐仲呂之分三寸二分  
五釐蕤賓之分三寸零八釐四毫林鍾之分二寸九分  
二釐八毫夷則之分二寸七分四釐二毫南呂之分二  
寸六分零二毫無射之分二寸四分三釐七毫應鍾之  
分二寸三分一釐三毫此黃鍾八分之一又加此一分

之四分之三之管聲應無射之律羽聲上字於笛為凡

字設簧則應姑洗之律角聲六字於笛為上字

此後皆以笛字

為言以之和大呂之分得四寸二分五釐二毫仍應姑洗

之律角聲六字乃此笙第九管低上字之分也

此度分皆以簧

口至出音孔而言

長於此者用倍數而短於此者用正數矣其

黃鍾大呂相和之四寸二分五釐二毫既為第九管低

上字之分倍之得八寸五分零五毫乃應蕤賓之律變

徵五字而為此笙之最長第一管低尺字之分焉

時用十七

管大笙其最長第一管不過八寸而此八寸五分餘者何也時用大笙之十七管因徑不一故正聲倍聲不得一體長者徑大而短者徑小徑大者開出音孔則截其分稍短徑小者開出音孔則增其分稍長今各管之徑同故正聲應上字者倍聲得應尺字正律管半聲下正聲一音之理也

太簇夾鍾相和之

分三寸七分八釐聲應蕤賓之律變徵五字為第十二

管高尺字之分倍之得七寸五分六釐乃應夷則之律

徵聲乙字為第三管低工字之分焉

第二管無分者因同第三管之音說

見十七姑洗仲呂相和之分三寸三分六釐聲應夷則

之律徵聲乙字為第十三管高工字之分倍之得六寸

七分二釐乃應無射之律羽聲上字為第四管低凡字  
之分焉蕤賓林鍾相和之分三寸零六毫聲應無射之  
律羽聲上字為第十五管高凡字之分倍之得六寸零  
一釐二毫乃應半黃鍾之律變宮尺字為第五管低六  
字之分焉夷則南呂相和之分二寸六分七釐二毫聲  
應半黃鍾之律變宮尺字為第十六管高六字之分倍  
之得五寸三分四釐四毫乃應黃鍾之律宮聲工字為  
第六管低五字之分焉無射應鍾相和之分二寸三分

七釐五毫聲應黃鍾之律宮聲工字為第十七管高五  
字之分倍之得四寸七分五釐乃應太簇之律商聲凡  
字為第八管低乙字之分焉其第二管之最低工字即  
第三管之分其第七管之最低乙字亦即第八管之分  
不過微長分餘或黃少輒使之聲字稍下而已其十管  
之高上字仍如九管之分但九管以下至最長第一管  
設黃皆長而輒十管以上至最短第十七管設黃皆微  
短而硬是以九管因黃長而聲低為低上字十管因黃

短而聲高為高上字此又管體一而因簧以別高下者也若夫第十一管之勾字則取上字與尺字之間為度第十四管之高凡字亦與十五管高凡字之分同不過微長少低以配八管之乙字相和而取聲耳至於十五簧比十七簧減兩管者二管之最低工字七管之最低乙字嫌其與三管工字八管乙字相淆故不用獨留十四管之凡字以和十管之高上字為高凡字即四管凡字和九管上字之理也十七簧十五簧大笙其聲字度

分本出一體但用管有多寡之分爾雅以大笙謂之巢  
註曰大笙十九簧此十七簧十五簧蓋做十九簧之制  
者也

十三簧小笙以黃鍾八分之一之管為本徑皆一分三

釐七毫

此徑乃黃  
鍾徑之半

其黃鍾之分三寸六分四釐五毫大

呂之分三寸四分一釐三毫太簇之分三寸二分四釐  
夾鍾之分三寸零三釐四毫姑洗之分二寸八分八釐  
仲呂之分二寸六分九釐六毫蕤賓之分二寸五分六

釐林鍾之分二寸四分三釐夷則之分二寸二分七釐  
五毫南呂之分二寸一分六釐無射之分二寸零二釐  
二毫應鍾之分一寸九分二釐此黃鍾八分之一之管  
即應正黃鍾之音為低工字於笛為低五字設簧則應  
夷則之律徵聲乙字於笛為工字以之和大呂之分得  
三寸五分二釐九毫仍應夷則之律徵聲乙字乃此笙  
第十管高工字之分也長於此者用倍數短於此者用  
正數矣其黃鍾大呂相和之三寸五分二釐九毫既為



第十管高工字之分倍之得七寸零五釐八毫乃應無射之律羽聲上字而為此笙第三管低凡字之分焉其太簇夾鍾相和之分三寸一分三釐七毫聲應無射之律羽聲上字為第十一管高凡字之分倍之得六寸二分七釐四毫乃應半黃鐘之律變宮尺字為第四管低六字之分焉姑洗仲呂相和之分二寸七分八釐八毫聲應半黃鐘之律變宮尺字為第十二管高六字之分倍之得五寸五分七釐六毫乃應黃鐘之律宮聲工字

為第五管低五字之分焉蕤賓林鍾相和之分二寸四分九釐五毫聲應黃鍾之律宮聲工字為第十三管高五字之分倍之得四寸九分九釐乃應太簇之律商聲凡字為第六管低乙字之分焉夷則南呂相和之分二寸二分一釐七毫聲應太簇之律商聲凡字於此笙為高乙字之分因笙所用聲字止於高五字故不用此分而倍之得四寸四分三釐五毫乃應姑洗之律角聲六字為第七管低上字之分焉第八管亦仍用此七管之

分設以短簧高其音為此笙之高上字焉其無射應鍾  
相和之分一寸九分七釐一毫聲應姑洗之律角聲六  
字於此笙為高上字之分今亦不用而倍之得三寸九  
分四釐二毫乃應蕤賓之律變徵五字為第九管高尺  
字之分焉至於最長之第一管復以第七管低上字之  
分倍之得八寸八分七釐聲應蕤賓之律變徵五字而  
為此笙之第一管低尺字之分焉第二管則以第九管  
高尺字之分倍之得七寸八分八釐四毫聲應夷則之

律徵聲乙字而為此笙之第二管低工字之分焉夫十三簧小笙比十五簧大笙減兩管者以勾字與低尺字聲音易淆故減之復因十五簧笙重一凡字亦嫌其相淆故亦減之止用十三簧而聲字已備即可相兼以和聲也十三簧小笙得黃鍾八分之一之體故其聲字度分尤為簡明爾雅以小笙謂之和註曰小笙十三簧今十三簧小笙即其制也

應陰呂之十七簧大笙以黃鍾八分之一又加此一分

之四分之二之管為本其十七管之徑皆一分五釐六毫其黃鍾之分四寸一分七釐二毫大呂之分三寸九分零七毫太簇之分三寸七分零八毫夾鍾之分三寸四分七釐三毫姑洗之分三寸二分九釐六毫仲呂之分三寸零八釐七毫蕤賓之分二寸九分三釐林鍾之分二寸七分八釐一毫夷則之分二寸六分零四毫南呂之分二寸四分七釐二毫無射之分二寸三分一釐五毫應鍾之分二寸一分九釐七毫其各管自黃口至

出音孔分皆按本體律吕相和之度以取音其法與應陽律之十七簧大笙無異其立體生聲亦如大吕簫之視黃鍾簫也

如取應陽律之大笙用點簧之法以高其音亦可應大吕一均但按其理則用此例

正為

應陰吕之十三簧小笙以黃鍾六十四分之七之管為

本

此管乃黃鍾八分之七之管之八分之一故其長與徑為黃鍾八分之七之管之半其十三管

之徑皆一分三釐一毫其黃鍾之分三寸四分八釐六毫大吕之分三寸二分六釐四毫太簇之分三寸零九

釐八毫夾鍾之分二寸九分零一毫姑洗之分二寸七分五釐四毫仲呂之分二寸五分七釐九毫蕤賓之分二寸四分四釐八毫林鍾之分二寸三分二釐四毫夷則之分二寸一分七釐六毫南呂之分二寸零六釐五毫無射之分一寸九分三釐四毫應鍾之分一寸八分三釐六毫其各管自簧口至出音孔分皆按本體律呂相和之度以取音其法與應陽律之十三簧小笙無異其立體生聲亦如姑洗簫之視仲呂簫也

取應陽律一均之笙點簧

以高其音亦不  
若用此例為正





# 繪圖用半度

七寶大鐘以黃鐘八分之二又加此一分之四分之三之管為本其分自為五毫音孔而度但分六釐五豪

尺一分五毫

二寸六釐

三寸六釐

四寸六釐

五寸六釐

六寸六釐

七寸六釐

八寸六釐

九寸六釐

一尺六釐

一尺一寸六釐

一尺二寸六釐

一尺三寸六釐

一尺四寸六釐

一尺五寸六釐

一尺六寸六釐

一尺七寸六釐

# 繪圖用半度

上齋生以黃鍾八分之管為本其分是呂至黃孔為度

徑分三釐七毫

尺分金釐

二寸分釐七毫

凡寸分釐七毫

合寸分釐七毫

四寸分釐七毫

五寸分釐七毫

六寸分釐七毫

七寸分釐七毫

八寸分釐七毫

九寸分釐七毫

十寸分釐七毫

五寸四分釐七毫


六寸七分釐七毫

七寸九分釐七毫

八寸二分釐七毫

九寸五分釐七毫

十寸八分釐七毫



應陰呂七簧大笙以黃鍾八分之二又加此分之四分之二管為本其長黃呂五音九為度徑分數在表

尺分五七九

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

二寸一分五釐

繪圖用半度

應陰宮主帝於從以黃鍾六十分之七之數為本其合得曰主出音孔為度

徑空徑一象

尺分空徑二象

二寸空徑

凡空徑分五度

合空徑分九象

四寸空徑分五象

乙卯空徑分三象

上甲空徑分三象

二甲空徑分三象

凡空徑分三象

凡空徑分三象

凡空徑分三象

凡空徑分三象

凡空徑分三象

凡空徑分三象

凡空徑分三象

凡空徑分三象

## 頭管

頭管之制未詳創自何時或名簾簾始於蘆管與橫笛皆起羌中謂之羌笛羌管馬融賦亦有笛從羌起之言然考長笛實為今之簫而管之見於經書者未必如今之頭管詩曰嘒嘒管聲記曰下管象武蓋古以律呂管音先諸樂所謂管即排簫之管也唐宋而後管色之名始見史志唐人紀琴以管色定絃宋乾德中和峴言樂器中有义手笛與雅音相應足以協旋宮之法亦可

通八十四調長九寸其竅有六左四右二請名拱宸管  
是或頭管之制所由起耶按古之管籥一管為一聲鍾  
磬亦然後世一管數孔則兼數管之用宋史燕樂志載  
黃鍾用合字大呂太簇用四字夾鍾姑洗用乙字夷則  
南呂用工字無射應鍾用凡字各以上下分為清濁其  
仲呂蕤賓林鍾不可以上下分仲呂用上字蕤賓用勾  
字林鍾用工字其黃鍾清聲用六字大呂太簇夾鍾清  
聲用五字而以上下緊別之緊五者夾鍾清聲也今時

用頭管共有九孔樂工相傳取音為合四乙上勾尺工凡六五高乙高上其通長為合最下第一孔為四第二孔為乙第三孔為上第四孔後出為勾第五孔為尺第六孔為工第七孔為六第八孔後出為五第九孔最上為高乙帶高上獨無凡字孔分如取凡字則借工字第六孔高吹之或借六字第七孔低吹之其假聲字之法則又以哨巧借為高下然終不如簫笛之能轉調其或轉調則必易哨蓋哨薄則軟軟則聲低哨厚則硬硬則聲



高哨長而聲亦低哨短而聲亦高即如笙簧硬軟長短之分聲字也審哨之音哨得笛之上字者管之通體始得合字哨得笛之尺字則管之通體得四字哨得笛之工字則管之通體得乙字宋志所載與時用管所傳聲律大槩相同惟上三孔有異又凡附前一律而同出於一孔者名為中管故宋仁宗御製樂髓新經於十二宮調內除太簇姑洗蕤賓南呂應鐘皆為中管不用而定為七宮二十八調也今之頭管實有大小兩種大者禮

部太常並雜樂所用小者乃吳中所制隨歌曲與笙笛  
相合為用者也大管之徑三分不足二分有餘長六寸  
稍餘小管之徑二分稍餘長五寸六分餘夫大管之徑  
似乎黃鍾之徑其長則與夾鍾之分相侔而小管之徑  
似乎黃鍾半積同形管之徑其長則又似乎黃鍾半積  
同形管之黃鍾大呂相和之分也大管之孔九取音為  
十二乃合四乙上勾尺工凡六  
五高乙高上之十二字小管之孔八取音為九  
乃合四乙上尺工  
凡六五之九字

蓋因大管有勾字孔無凡字孔取凡

字於工字六字兩孔仍取高乙高上兩字於最上一孔而小管無勾字孔有凡字孔既取凡字於本孔其最上一孔又不兼取兩字故小管聲字之減於大管即如十三簧小笙之減於十七簧大笙也諸樂生聲不過五聲二變之七音而管色之名至於十者六五乃合四之清聲即如琴絃之有二清聲而勾字在上尺之間亦如簫笛與笙皆有低上高上低尺高尺之分也

勾字孔下之可借為高上

上之可借為低尺

其小管有凡字而大管無凡字者因大管最

上一孔取高乙復帶高上慮其孔多難接故假凡字於  
工字六字兩孔即如簫笛之不設上字孔也但時用各  
管其體與孔皆工人約畧為之而無一定之制故所得  
之音或參雜而不可為準今悉按律呂倍半之分以辨  
其體以審其音然後知頭管之制固不越乎律呂之範  
圍而旋審轉調之義已默寓於其中矣

大管以黃鍾為體其徑二分七釐四毫其長則用姑洗  
之分五寸七分六釐為哨下口至管通長之度

管體通  
長雖六

寸餘而哨之下口含於管內者二分有餘今  
度管分必除含哨之分計之始得度分之正  
蓋姑洗乃

陽律之音角聲之位於字譜為低六字即合字之本音  
於笛為低上字設哨則復為笛之合字而應倍無射之

律

頭管聲字皆合笛言  
故以笛聲字名之

其仲呂之分則為六字之位而

應倍應鍾之呂因頭管之通長獨取合字故不和以仲  
呂之陰呂而止取姑洗之陽律焉其第一孔則蕤賓林  
鍾相和之分四寸九分九釐聲應黃鍾之律宮聲工字  
而為此管之四字焉其第二孔則夷則南呂相和之分

四寸四分三釐五毫聲應太簇之律商聲凡字而為此  
管之乙字焉其第三孔宜於無射應鍾相和之分取之  
但因管體最短生聲易別其取聲之法又將諸孔依次  
遞開故至第三孔音即為以下諸孔所掣而少下亦如  
簫笛乙字分之理是以取半黃鍾半大吕相和之分與  
無射應鍾相和之分相併折中得三寸七分三釐五毫  
乃應姑洗之律角聲六字而為此管之上字焉其第四  
孔則半黃鍾半大吕相和之分為三寸五分二釐九毫

應應仲呂清角高六字蕤賓變徵低五字之間於笛為  
高上字低尺字之間所謂勾字也夫頭管之通長既為  
姑洗而得合字則正黃鍾宜得工字而半黃鍾半大呂  
相和之分宜下一音為尺字今因取聲隨以下諸孔全  
開之例故此分比尺字下半音而為勾字之後出孔焉  
工字之半取勾字則為下一音半矣其第五孔則半太  
簇半夾鍾相和之分三寸一分三釐七毫聲應蕤賓之  
律變徵五字於管為尺字夫通長既為姑洗而得合字

則正太簇宜得凡字而半太簇半夾鍾相和之分宜得  
工字今為尺字者蓋半黃鍾半大呂相和之分既應於  
上字尺字之間比本分之音已下半音故此半太簇半  
夾鍾相和之分宜應工字者比本分之音又下一音而  
為此管之尺字焉凡字之半取尺字則為下二音矣其  
第六孔為管之工字依下二音之例則宜以合字之半  
為度

合字之半乃半姑洗  
半仲呂相和之分也

今於第一孔四字之半取之

始合蓋因管之半體以上分益短而應聲愈下前孔取



全律之半聲下二音而此分則又下一音故半蕤賓半林鍾相和之分為二寸四分九釐五毫聲應夷則之律徵聲乙字而為此管之工字孔焉四字之半取工字則為下三音矣至於凡字之分依前孔下三音之例則宜以第二孔乙字之半為度今以第三孔上字之半取之始合乃為下四音之分然管之凡字今又無孔而以工字孔六字孔代之故第七孔即為六字於尺字之半取之乃太簇夾鍾相和之四分之一寸五分六釐八毫

聲應半黃鍾之律變宮尺字而為此管之六字孔焉尺字之半取六字亦為下四音也其第八孔為後出之五字依下四音之例則宜以工字之半蕤賓林鍾相和之四分之一為度今於乙字四分之一為高工字之半取之始合乃夷則南吕相和之四分之一一寸一分零八毫聲應黃鍾之律宮聲工字而為此管之後出五字孔焉高工之半取五字其為下四音半矣其第九孔為最上一孔乃高乙字帶高上字者若依下四音半之例則

宜以凡字之半為度今於六字之半取之始合乃太簇  
夾鍾相和之八分之二七分八釐四毫聲應太簇之律  
商聲凡字而為此管之最上之乙字孔焉六字之半取  
乙字則為下五音矣太簇夾鍾相和之分應笛之乙字  
今其八分之一相和之分仍應笛之乙字則又為融八  
音而相應矣此大管之體孔分益短而應聲益下或下  
一音或下二音或下三音四音五音甚至隔八音以協  
聲字然其孔竅長短之差必準以律呂倍半之度始能

定其位次而辨其聲字觀此大管之制然後可以窮律呂之變而盡律呂之用也

小管以黃鍾半積同形管為體其徑二分一釐七毫其長用黃鍾半積同形管之黃鍾大呂相和之分五寸六分零二毫為哨下口至管通長之度聲應姑洗之律為低六字因旋哨而應倍無射之律變宮尺字乃為此管之合字焉其太簇夾鍾相和之分四寸九分七釐九毫聲應黃鍾之律宮聲工字乃為此管之四字第一孔焉

其姑洗仲呂相和之分四寸四分二釐六毫聲應太簇  
之律商聲凡字乃為此管之乙字第二孔焉其第三孔  
為上字但因小管不用勾字且上字本分之音又為下  
孔所掣而少下故取蕤賓林鍾相和之上字分與夷則  
南呂相和之勾字分相併折中得三寸七分四釐乃為  
此管之上字第三孔焉其無射應鍾相和之分三寸一  
分二釐八毫聲應蕤賓之律變徵五字乃為此管之尺  
字第四孔焉若較以倍半所應聲字則倍無射應鍾相

和之分在通體合字之外當下一音為凡字而正無射  
應鍾相和之分比倍數又下一音為工字今不應工字  
而應尺字則凡字之半取尺字為下二音也其第五孔  
工字依前孔下二音之例則宜以通體合字之半為度  
因管體益短其聲愈為以下諸孔所掣故下三音之半  
於第一四字孔之半取之始合乃半太簇半夾鍾相和  
之分二寸四分八釐九毫為此管之工字第五孔焉其  
第六孔凡字依下三音之例則宜以第二孔乙字之半

為度今下五音之分於勾字之半取之始合乃半夷則  
半南呂相和之分一寸七分六釐而為此管之凡字第  
六孔焉其第七孔後出六字計下五音之分於半太簇  
半夾鍾相和工字之半取之得一寸二分四釐四毫而  
為此管之後出六字第七孔焉

此分乃太簇夾鍾相和之四分之一也

其

第八孔五字亦計下五音之分於半夷則半南呂相和  
凡字之半取之得八分八釐而為此管之最上五字第  
八孔焉

此分乃夷則南呂相和之四分之一也

自黃鍾大呂相和之分以

至夷則南吕相和之四分之一其間正律正吕相和者  
或下一音以相應或下二音三音以相應至於律吕四  
分之一則下五音以相應其律吕相和之位分不移而  
聲字自有全半之應使非律吕之分以紀其聲字之序  
亦何以明立體取音之道也哉





大管

上字管

徑二分七釐四豪

黃鍾管

豪四釐八分七

豪八釐一分一

豪八釐六分五

豪五釐九分四

豪七釐三分一

豪九釐一分五

豪五釐三分七

豪五釐三分四

釐九分九寸四

乙上

五

六凡

工凡

尺

勾

上

乙

四

半之字六  
之字乙  
半之字尺

半之字四

豪四釐三毫寸三

釐四分二寸三

豪三釐一分四寸三

釐四分六寸三

釐四分八寸三

豪五釐四毫寸四

釐二分三寸四

豪一釐五毫五寸四

釐六分八寸四

釐二分一寸五

豪三釐九分三寸五

釐六分七寸五

半半半半應無南夷林旋仲姑  
夾太黃鍾射呂則鍾賓呂洗  
鍾族呂鍾之之之之之之之  
分分分分分分分分分分分

黃鍾精同聲

徑分釐七豪

上字

小管

五	半	凡	字	凡
六	半	凡	字	工
凡	半	凡	字	勾
工	半	凡	字	四
尺				
上				
乙				
四				
五				

應無南夷林欒仲姑夾太黃  
鍾射呂則鍾賓呂洗鍾蕤呂鍾  
之之之之之之之之之之之之  
分分分分分分分分分分分分

豪七釐四分三  
釐一分二寸三  
豪八釐二分四寸三  
豪二釐一分六寸三  
七釐五分八寸三  
豪三釐六分四寸四  
豪一釐八分二寸四  
豪一釐七分五寸四  
豪六釐一分八寸四  
豪三釐四分五寸五  
豪八釐一分四寸五  
豪六釐八分七寸五

釐八分八  
豪四釐四分二寸一  
釐六分七寸一  
豪九釐八分四寸二  
豪八釐二分一寸三  
釐四分六寸三  
豪六釐二分四寸四  
豪九釐七分九寸四  
豪二零分六寸五

簾

姑洗簾  
仲呂簾

爾雅大簾謂之沂註以竹為之長尺四寸圍三寸一孔  
上出寸三分名翹橫吹之小者尺二寸廣雅云八孔周  
禮註簾七空宋李宗諤樂纂云橫笛小簾也又有觥者  
謂之義觥笛今橫笛皆去義觥義觥即翹也是上出孔有翹  
者名簾無翹者即笛二器蓋相似又湖廣寶慶府學校  
志載以竹為之長尺四寸闊三寸三分一孔上出五孔  
向外一孔向內一孔在末節共八孔後一孔黃鍾清律

以六字應凡吹六字止開此孔餘皆閉第二孔南呂以  
工字應凡吹工字此孔與下第三孔底一孔皆開餘俱  
閉第三孔林鍾以尺字應凡吹尺字此孔與下第二孔  
底一孔皆開餘皆閉第四孔仲呂以上字應凡吹上字  
此孔與下一孔底一孔俱開餘皆閉第六底孔太簇以  
四字應凡吹四字止開此孔餘皆閉惟黃鍾律以合字  
應六孔皆閉按寶慶志所載孔數為七計吹口共八而  
用法則遺一又李文察吹法云簫篴笛管皆一孔兼三

音全在口唇之俯仰吹氣之緩急夫管簫諸器一孔之聲尚不能兼清濁況於口唇俯仰吹氣緩急之間而謂一孔兼三音是未探聲律之本而為此遷就塗飾之說可知矣按今禮部太常所用簫徑約九分上下體長雖一尺四寸而吹口至管末止九寸餘其管末設底底中心開孔近底又並開二小孔如簫笛之出音孔計此孔與吹口共八自下遞上命之則底孔為第一出音孔為第二向外最下一孔為第三次上為第四次上為第五

次上為第六最上向內一孔為第七至於諸孔遠近則管末第一至出音第二其分甚近第二至第三其分獨遠第三至第四第四至第五第五至第六其度均而第六至向內第七第七至吹口此二分亦遠然皆未按律呂相生之度也詢之樂工謂底孔為合字向外最下一孔為四字次二為上字次三為尺字次四為工字向內最上一孔為六字自吹口出凡字獨遺乙字與寶慶志所載諸孔聲字率皆不同至於命孔又皆以笛言及較

其全半所應則管末與向外第三孔為全半之分審其音底孔之聲應簫之上字笛之凡字實非合字而向外第三孔亦應簫之上字笛之凡字其餘諸孔與簫笛皆不甚協按爾雅註箎長尺四寸圍三寸夫圍三寸則徑為九分有餘然箎設底其中空之圍不易量此謂三寸者或箎之外周乎若箎之外周三寸則中空徑必小於九分而在八分九分之間矣夫四倍黃鍾管之徑四分三釐五毫倍之得八分七釐乃與時用箎徑相侔是為



三十二倍黃鍾管之徑也三十二倍黃鍾管之徑比四  
倍黃鍾管之徑大一倍其長比四倍黃鍾管之長亦大

一倍故得聲與四倍黃鍾管同應姑洗之律

四倍黃鍾管徑四分

三釐五毫長一尺一寸五分七釐二毫聲應姑洗之律  
今三十二倍則自四倍復加以八倍故徑與長比四倍  
之徑與長亦加一倍而所應聲字為同也是故此箎用三十二倍黃鍾管之

徑為徑而通長與各孔則用三十二倍黃鍾管之律呂  
相和之分因其本體所生聲字與四倍黃鍾之管同故  
制為箎亦得與姑洗簫姑洗笛相應而協排簫陽律一

均之聲字因名之曰姑洗簾至於協陰呂一均之簾則用二十八倍黃鍾管為體蓋二十八倍黃鍾管體為三倍半黃鍾管之八倍而徑與長皆為三倍半黃鍾管之倍故所生聲字與三倍半黃鍾之管同而與仲呂簫仲呂笛相應為用因名之曰仲呂簾要之簾或上古之笛而笛或為簾之變制法皆橫吹然簾尤為雅樂之要器必使協於律呂始備旋宮轉調之用而可以宣大樂之和焉

姑洗簾用三十二倍黃鍾管為體其徑即三十二倍黃  
鍾管之徑為八分七釐自吹口至管末得三十二倍黃  
鍾管之太簇夾鍾相和之半為九寸九分五釐九毫次  
姑洗仲呂相和之半為八寸八分五釐二毫次蕤賓林  
鍾相和之半為七寸九分二釐一毫次夷則南呂相和  
之半為七寸零四釐次無射應鍾相和之半為六寸二  
分五釐八毫又次即黃鍾大呂相和之四分之一為五  
寸六分零二毫其吹口其管末太簇夾鍾相和之分管

末不設底其音通出則應姑洗之律而得簫之六字笛

之上字

夫三十二倍黃鍾管既應姑洗之律其半體必下一音而應太簇之律此簫通長乃太簇夾鍾

相和之半比之黃鍾大吕相和之半必高一音故應姑洗之律管末設底開孔則比通

出音低二音而應於黃鍾之律得簫之工字笛之五字

乃為此簫低孔之聲字焉

簫之管末設底不比簫笛之管徑通出故其太簇夾鍾相

和之半宜應姑洗之律者不較之禮部太常所用簫則應姑洗之律而應黃鍾之律

為高二音也

簫為雅樂凡聲字皆以排簫名之

其姑洗仲吕相和之半

應太簇之律商聲凡字澁賓林鍾相和之半應姑洗之

律角聲六字因時用簾無凡字

此凡字即笛之乙字今以排簫聲字名之故云

凡故以此二分相併折中得八寸三分八釐六毫加低六字之分而為此簾之出音孔焉其夷則南吕相和之半得聲應蕤賓之律變徵五字而為此簾之向外最下第一孔之分焉其無射應鍾相和之半得聲比夷則之律徵聲乙字少下而黃鍾大吕相和之四分之一得聲應南吕之吕清徵高乙字以此二分相併折中適應夷則之律徵聲乙字而為此簾之向外第二孔之分焉

無射

應鍾相和之半得聲比本分之音少下者因簾體得三十二倍黃鍾半體以上之分其聲字易為下孔所掣故比本分開孔少上始應其太簇夾鍾相和之四分之一本音即簾笛乙字之理

乃通體之半得聲應無射之律羽聲上字即為此簾之向外第三孔之分焉計其全半所應聲字底孔即為工字應黃鍾之律而此孔為上字應無射之律為下二音蓋因前孔開於二分之間較之倍體之音為下一音半此分仍依前孔之例則比本分應得之音復下半音而較之倍體則為下二音此又依次遞遷相應之理也其

姑洗仲呂相和之四分之一得聲應半黃鍾之律變宮  
尺字而蕤賓林鍾相和之四分之一得聲應黃鍾之律  
宮聲工字此二分甚近如皆設孔則孔多而手不及按  
即如簫笛不設上字孔之理故不取尺字之分而取工  
字之分為此簫之向外第四孔之分焉此孔之聲與底  
孔相應為準而此孔之分乃五字第一孔外六字分之  
半六字之半得工字亦為下二音也欲用尺字之音則  
以乙字向外第二孔工字向外第四孔合而取之亦如

簫笛之合尺字孔六字孔取上字之理也次夷則南呂  
相和之四分之一為五字第一孔之半聲應大呂之呂  
清宮高工字此分不得聲字之正故不用次無射應鍾  
相和之四分之一得聲應太簇之律商聲凡字而黃鍾  
大呂相和之八分之一得聲應夾鍾之呂清商高凡字  
以此二分相併折中乃乙字第二孔之半而為此簾之  
向外第五孔之分焉乙字之半取凡字則為下三音矣  
時用簾向外止四孔而無凡字今增凡字向外為五孔



者用廣雅寶慶志之制也其太簇夾鍾相和之八分之一乃上字第三孔之半聲應姑洗之律角聲六字即為此蕤之向內最上一孔之分焉上字之半取六字亦為下三音也其出音孔為低六字而此向內最上一孔為高六字二孔相應為準又即簫笛出音孔之低尺字與最上一孔高尺字相應之理也夫竹樂生聲之理總以倍半見其體用之妙四倍黃鍾應姑洗之角律而三十倍黃鍾即四倍黃鍾之八倍故亦應姑洗之角律蓋

笛得四倍黃鍾之正體故較其全半相應止下一聲之分而簾得三十二倍黃鍾之半體若較其全半相應則下二音或至三音四音以相應此又因徑之大小而體之全半隨焉是以管籥諸器以徑為至要也

仲呂簾用二十八倍黃鍾管為體其徑即二十八倍黃鍾管之徑為八分三釐二毫自吹口至管末得二十八倍黃鍾管之太簇夾鍾相和之半為九寸五分二釐五毫其姑洗仲呂相和之半為八寸四分六釐七毫蕤賓

林鍾相和之半為七寸五分七釐六毫夷則南呂相和之半為六寸七分三釐四毫無射應鍾相和之半為五寸九分八釐六毫至黃鍾大呂相和之四分之一為五寸三分五釐八毫其吹口至管末太簇夾鍾相和之分管末不設底其音通出則應仲呂之呂而得仲呂簫之六字仲呂笛之上字管末設底開孔則低二音而應於大呂之呂得仲呂簫之工字仲呂笛之五字乃為此簾底孔之聲字焉其姑洗仲呂相和之半應夾鍾之呂清

商高凡字蕤賓林鍾相和之半應仲呂之呂清角高六  
字以此二分相併折中得八寸零二釐一毫乃本體低  
六字之分而為此簨之出音孔焉其夷則南呂相和之  
半得聲應林鍾之呂清變徵高五字而為此簨之向外  
最下第一孔之分焉其無射應鍾相和之半得聲比南  
呂之呂清徵高乙字少下而黃鍾大呂相和之四分之  
一得聲應無射之律羽聲凡字以此二分相併折中適  
應南呂之呂清徵高乙字而為此簨之向外第二孔之

分焉其太蕤夾鍾相和之四分之一乃通體之半得聲  
應應鍾之呂清羽高上字而為此簾之向外第三孔之  
分焉其姑洗仲呂相和之四分之一得聲應半大呂之  
呂清變宮高尺字蕤賓林鍾相和之四分之一得聲應  
大呂之呂清宮高工字因此二分太近手不及按故不  
取高尺字而取高工字為此簾之向外第四孔之分焉  
此孔之聲亦與底孔相應為準也欲用尺字之音亦以  
乙字向外第二孔工字向外第四孔合而取之次夷則

南吕相和之四分之一為五字第一孔之半聲應太簇之律濁商低凡字此分不得本體聲字之正故亦不用其無射應鍾相和之四分之一得聲應夾鍾之吕清商高凡字而黃鍾大吕相和之八分之一得聲應姑洗之律濁角低六字以此二分相併折中乃乙字第二孔之半而為此簾之向外第五孔之分焉其太簇夾鍾相和之八分之一乃上字第三孔之半聲應仲吕之吕清角高六字而為此簾之向內最上一孔之分焉夫三倍半

黃鍾應仲呂之角呂而二十八倍黃鍾即三倍半黃鍾  
之八倍亦應仲呂之角呂以之制簾故與仲呂簫仲呂  
笛相協為用也





# 繪圖用半度

三繪圖用

大度八分之二  
大度八分之三  
大度八分之四  
大度八分之五  
大度八分之六  
大度八分之七  
大度八分之八  
大度八分之九  
大度八分之十  
大度八分之十一  
大度八分之十二  
大度八分之十三  
大度八分之十四  
大度八分之十五  
大度八分之十六  
大度八分之十七  
大度八分之十八  
大度八分之十九  
大度八分之二十  
大度八分之二十一  
大度八分之二十二  
大度八分之二十三  
大度八分之二十四  
大度八分之二十五  
大度八分之二十六  
大度八分之二十七  
大度八分之二十八  
大度八分之二十九  
大度八分之三十  
大度八分之三十一  
大度八分之三十二  
大度八分之三十三  
大度八分之三十四  
大度八分之三十五  
大度八分之三十六  
大度八分之三十七  
大度八分之三十八  
大度八分之三十九  
大度八分之四十  
大度八分之四十一  
大度八分之四十二  
大度八分之四十三  
大度八分之四十四  
大度八分之四十五  
大度八分之四十六  
大度八分之四十七  
大度八分之四十八  
大度八分之四十九  
大度八分之五十  
大度八分之五十一  
大度八分之五十二  
大度八分之五十三  
大度八分之五十四  
大度八分之五十五  
大度八分之五十六  
大度八分之五十七  
大度八分之五十八  
大度八分之五十九  
大度八分之六十  
大度八分之六十一  
大度八分之六十二  
大度八分之六十三  
大度八分之六十四  
大度八分之六十五  
大度八分之六十六  
大度八分之六十七  
大度八分之六十八  
大度八分之六十九  
大度八分之七十  
大度八分之七十一  
大度八分之七十二  
大度八分之七十三  
大度八分之七十四  
大度八分之七十五  
大度八分之七十六  
大度八分之七十七  
大度八分之七十八  
大度八分之七十九  
大度八分之八十  
大度八分之八十一  
大度八分之八十二  
大度八分之八十三  
大度八分之八十四  
大度八分之八十五  
大度八分之八十六  
大度八分之八十七  
大度八分之八十八  
大度八分之八十九  
大度八分之九十  
大度八分之九十一  
大度八分之九十二  
大度八分之九十三  
大度八分之九十四  
大度八分之九十五  
大度八分之九十六  
大度八分之九十七  
大度八分之九十八  
大度八分之九十九  
大度八分之百

大度八分之百



二寸三分二釐  
二寸四分二釐  
二寸五分二釐  
二寸六分二釐  
二寸七分二釐  
二寸八分二釐  
二寸九分二釐  
三寸一分二釐  
三寸二分二釐  
三寸三分二釐  
三寸四分二釐  
三寸五分二釐  
三寸六分二釐  
三寸七分二釐  
三寸八分二釐  
三寸九分二釐  
四寸一分二釐  
四寸二分二釐  
四寸三分二釐  
四寸四分二釐  
四寸五分二釐  
四寸六分二釐  
四寸七分二釐  
四寸八分二釐  
四寸九分二釐  
五寸一分二釐  
五寸二分二釐  
五寸三分二釐  
五寸四分二釐  
五寸五分二釐  
五寸六分二釐  
五寸七分二釐  
五寸八分二釐  
五寸九分二釐  
六寸一分二釐  
六寸二分二釐  
六寸三分二釐  
六寸四分二釐  
六寸五分二釐  
六寸六分二釐  
六寸七分二釐  
六寸八分二釐  
六寸九分二釐  
七寸一分二釐  
七寸二分二釐  
七寸三分二釐  
七寸四分二釐  
七寸五分二釐  
七寸六分二釐  
七寸七分二釐  
七寸八分二釐  
七寸九分二釐  
八寸一分二釐  
八寸二分二釐  
八寸三分二釐  
八寸四分二釐  
八寸五分二釐  
八寸六分二釐  
八寸七分二釐  
八寸八分二釐  
八寸九分二釐  
九寸一分二釐  
九寸二分二釐  
九寸三分二釐  
九寸四分二釐  
九寸五分二釐  
九寸六分二釐  
九寸七分二釐  
九寸八分二釐  
九寸九分二釐  
十寸一分二釐  
十寸二分二釐  
十寸三分二釐  
十寸四分二釐  
十寸五分二釐  
十寸六分二釐  
十寸七分二釐  
十寸八分二釐  
十寸九分二釐

仲夏虎  
吹口

乙

五

乙

上

工

凡

六

各五分二釐五毫

分零二釐五毫

六分七分三釐四毫

六分六分七釐三毫

四寸七分六釐二毫

三寸七分八釐五毫

二寸八分三釐六毫

二寸五分八釐二毫

壎

黃鍾壎  
大呂壎

八音之樂土居其一古有土鼓及缶今惟有壎周禮小師職作塤註大者謂之雅塤小者謂之頌塤凡六孔上一前三後二郭璞曰燒土為之大如鷺子銳上平底六孔小者如鷺子風俗通曰圍五寸半長三寸半有四孔其二通凡為六孔寶慶府學校志云圍五寸半長三寸四分上尖底平大者如鷺子高三寸六分六孔上一前三後二上孔平吹為太簇以四字應下五孔皆閉向上

稍仰為黃鍾以合字應下五孔亦不開左手中指與食指二孔為仲呂以上字應凡吹上字止開此孔餘皆閉右手食指孔并左手二孔俱開為林鍾以尺字應凡吹尺字止開此三孔餘皆閉後二孔左手大指孔為南呂以工字應凡吹工字此孔與前三孔俱開餘皆閉右手大指孔黃鍾清律以六字應凡吹六字前後各孔俱開以兩手無名指小指托其底輕用氣以取聲此取聲字之法大槩有五聲而無二變今禮部太常所用壎外高

二寸五分餘中空內高止二寸二分餘外圍七寸少歟  
其內圍亦不過五寸四五分前三孔上二下一下一近  
底上二平開相離五分餘後二孔一與前上二孔相對  
一比前下一孔稍高審其音五孔生聲皆不能分上下  
詢之樂工則曰與羣樂共奏俯仰遷就以取相合蓋古  
聖人定八音之器以和聲律莫不有體而施於用今欲  
定壎之制亦惟以律呂準其度數而已依風俗通所載  
圍五寸半長三寸半如法求徑則得一寸七分五釐其

中空容積則得五千六百一十四分有餘依寶慶志所載圍五寸半高三寸六分如法求積則得五千七百七十五分此二制以黃鍾之積計之大槩皆一十三倍有餘然高三寸五六分而徑止一寸七分五釐則形體太長而細依時用堦之內高二寸二分內圍五寸五分如法求積得四千零一十五分六分二十五釐比之黃鍾之積則九倍有餘其內高二寸二分而徑一寸七分五釐則形體長短庶為合宜但孔之高下未按律度故生

聲不得晰耳夫管籥諸音全係中空容積之度分初無預乎管體之厚薄燠雖土樂而生聲亦如管籥之含氣其要亦在中空容積之度分而無預乎外體之厚薄也按風俗通寶慶志所載燠制其內高三寸五分上下謂古尺度則為今尺之二寸九分上下若謂今尺之三寸五分則與半黃鍾之度為近時用燠內高二寸二分上下則與半夷則南呂相和之度為近如以半黃鍾之三寸六分四釐五毫之數為內高則中空容積必得三十

二倍黃鍾之積為體其形制始合於宜以二寸九分之數為內高則中空容積必得一十六倍黃鍾之積為體其形制始合於宜以半夷則南呂相和之二寸二分一釐之數為內高則中空容積必得八倍黃鍾之積為體其形制始合於宜以三十二倍黃鍾之積為制內高三寸六分四釐五毫則內徑得二寸六分八釐六毫

獨言內徑

而不及週者因內週不易量且有徑週自隨之若夫外週更不可定以土為體稍厚則外週大稍薄則外週小總之無關於厚薄故外週不具論也以一十六倍黃鍾之積為制內高二

寸九分一釐六毫則內徑得二寸一分二釐四毫以八

倍黃鍾之積為制內高二寸二分一釐七毫則內徑得

一寸七分二釐二毫

法以黃鍾加分之積為中空容積之度分以此積平分為二分以三

乘之乃成此燠之同高同徑之長圓形二分之而復以三乘之者因燠體似橢圓形而橢圓形為長圓形之三

分之二故以燠積半之而復加以三倍也得長圓形積乃以高除之是為此燠之中徑面積以面積求徑則為

燠之徑焉

然此徑與高所成體實為橢圓形而燠之制上銳

下闊底平與橢圓微異故取中徑之三分之二為底徑

而中徑居內高之三分之一

自下命之也

減其上半體之分



以益下以美補不足則形制成而積無遺矣至於取音  
壹以中高為準依三分損益之法而前後設孔焉其開  
孔固以中高為準而壘體用律呂之半為最短如諸孔  
皆開於中線則相隔甚近不能容指故離中線而左右  
之使參差相錯手指得以按抑此又古人制作精微之  
意也是故全體之聲出自頂口應某律為某字自頂口  
至底前後各設一線為中界前三孔最下一分按某律  
某呂相和之度於線中界設之為第一孔應某律為某

字次第二分按某律某呂相和之度偏左設之為第二孔應某律為某字又次第三分按某律某呂相和之度偏右設之為第三孔應某律為某字此前三孔之分也後二孔之下一孔為第四分按某律某呂相和之度偏左設之為第四孔應某律為某字其上一孔為第五孔按某律某呂相和之度偏右設之為第五孔應某律為某字此後二孔之分也五孔之分前後左右實自下而漸上自遠而及近故生聲有序而高下分明得以應律

呂而為用焉考堦之制雖為三種而八倍黃鍾之堦全體所得聲字適應黃鍾之宮故定為雅樂所用而名之曰黃鍾堦其協大呂一均者則用七倍黃鍾之積為體而諸孔損益之法乃以黃鍾八分之七同形管之律呂相和之分準其度蓋黃鍾八分之七之管實與大呂相應故因以立制而名之曰大呂堦要之樂以取聲為要而取聲以立體為先堦之為器其形質雖與竹音諸樂不同然以黃鍾之積求之而立體生聲莫不合於律呂

之度焉黃鍾之分定則太和之理得故凡所以諧八音而成衆器者皆有所準也

黃鍾壺以八倍黃鍾之積為體其諸孔之度即用正黃鍾所生律呂之分其內高則半夷則半南呂相和之分為二寸二分一釐七毫其大徑一寸七分二釐二毫居內高之三分之一底徑一寸一分四釐八毫其頂孔所生之音應黃鍾之律宮聲工字是為此壺全體之聲字焉其半無射半應鍾相和之分一寸九分七釐一毫設

孔應姑洗之律角聲六字為前三孔之居中第一孔焉  
其黃鍾大吕相和之四分之一一寸七分六釐四毫設  
孔應蕤賓之律變徵五字為前三孔之居左第二孔焉  
其太簇夾鍾相和之四分之一一寸五分六釐八毫設  
孔應夷則之律徵聲乙字為前三孔之居右第三孔焉  
其姑洗仲吕相和之四分之一一寸三分九釐四毫計  
其序宜應無射之律為上字今設孔比無射之律低半  
音其蕤賓林鍾相和之四分之一一寸二分四釐七毫

設孔又比無射之律高半音爰以此二分相併折中得  
一寸三分二釐設孔乃應無射之律羽聲上字為後二  
孔之居左第四孔焉其次夷則南呂相和之四分之一  
為通體之半設孔比半黃鍾之律變宮尺字低半音其  
無射應鍾相和之四分之一為第一孔之半設孔乃應  
半黃鍾之律變宮尺字為後二孔之居右第五孔焉較  
其正半之分則六字之半應尺字為下三音蓋最下第  
一與最上第五為正半之分而半比正下三音亦如管

簫諸器半體以上半分比正分遞下三音之理也至此五孔已畢獨遺應太簇之律為凡字者而以頂孔應黃鍾之律為工字者代之此黃鍾燠之各孔分也

大呂燠以七倍黃鍾之積為體其諸孔之度即用黃鍾八分之七同形管所生律呂之分其內高則半夷則半南呂相和之分為二寸一分二釐其大徑一寸六分四釐七毫底徑一寸零九釐八毫其頂孔所生之音應大呂之呂清宮高工字是為此燠全體之聲字焉其半無

射半應鍾相和之分一寸八分八釐五毫設孔應仲呂  
之呂清角高六字為前三孔之居中第一孔焉其黃鍾  
大呂相和之四分之一一寸六分八釐七毫設孔應林  
鍾之呂清變徵高五字為前三孔之居左第二孔焉其  
太簇夾鍾相和之四分之一一寸四分九釐九毫設孔  
應南呂之呂清徵高乙字為前三孔之居右第三孔焉  
其姑洗仲呂相和之四分之一一寸三分三釐三毫計  
其序宜應應鍾之呂為高上字今設孔比應鍾之呂低



半音其蕤賓林鍾相和之四分之一一寸一分九釐三毫設孔又比應鍾之呂高半音爰以此二分相併折中得一寸二分六釐三毫設孔乃應應鍾之呂清羽高上字為後二孔之居左第四孔焉其次夷則南呂相和之四分之一為通體之半設孔比半大呂之呂清變宮高尺字低半音其無射應鍾相和之四分之一為第一孔之半設孔乃應半大呂之呂清變宮高尺字為後二孔之居右第五孔焉較其正半之分則高六字之半應高

尺字亦為下三音矣至此五孔已畢獨遺應夾鍾之呂  
為高凡字者而以頂孔應大呂之呂為高工字者代之  
此大呂燠之各孔分也燠之用於雅樂止取五聲而無  
二變其體亦止得六聲而不能備七聲之全


五孔並頂孔為六音

即添設一孔亦不能得所遺聲字

至於旋宮轉調則以最近一音借用

之或隨調而另製一體此所以有雅燠頌燠大小之別也






後面式

大呂城



前面式



後面式



背鐘項

前面式



螺絲

螺絲





御製律呂正義下編卷一